

Mictus noctu plurimus parvam dejectionem indicat.

Indicat enim, vel cibos maxime solubiles, ac molles parum crassissimarum partium continuisse, ex quibus alvi faeces formantur, unde maxima ipsius pars lacteas penetravit; vel lacteas penetrasse liquidum illud, quod faeces alvi naturales molliores efficit, unde illae sicciore reddita, minoris etiam molis, nempe densiores fiunt, & dejectio est parva.

44. sect. 6.

*Quibus à stranguria volvulus supervenerit, intra septem dies moriuntur, nisi febre superveniente copiosa urina fluxerit. Vide supra in Coacis 8. c. 22. lib. 2.*

31. septima.

*Quibus per febres in urinis sedimenta crassiorem farinam referunt, longam in valetudinem fore significant.*

Sedimentum quale crassa farina morbum longum indicat.

De hoc etiam in Coacis, & patet; crassior enim ille pulvis nimiam contumaciam humorum arguit, & aliquam propter sedimentum, sed imperfectam coctionem, unde longitudo morbi.

54. ibid.

*Quibus inter septum transversum, & ventriculum pituita concluditur, & dolorem affert, in alterutrum ventrem viam non habens, iis per venas in vesicam versa pituita, morbi fit solutio.*

Urina potest esse pituita per exsudationem in vesicam per venas raducta.

Vides hæc quam evidenter posuerit & intellexerit Hipp. humorum per exsudationem effluxus ex aliqua cavitate, & in aliam per exsudationem derivationem.

## Ex libris Prognosticorum sive Prænotionum p. 40. 25.

Urina solvit dolores, & tumores præcordiorum.

**A**T præcordiorum tumores, & dolores recentes quidem, & sine inflammatione murmur solvit circa præcordia exortum, idque potissimum, si cum stercore urina, & flatu prodierit; alioquin ubi ipsum per se transmissum fuerit, juvat, idque magis, si ad inferiores sedes descenderit.

Urina sedimenti semper albi, levis, & æqualis optima, minus in qua non semper.

Urina optima est, in qua per omne tempus quoad morbum judicatus fuerit, subsidet album, leve, & æquale, securitatem enim, brevemque morbum fore significat: quod si intermittat, & interdum quidem pura meatur, interdum etiam subsidet album, & leve, diuturnior, & minus securus morbus evadit.

At

At *urina rubra* simileque quod subsidet & leve, hac multò quidem diuturnior, quam prima sit, valde tamen salutaris.

Sedimenta autem in urinis crassiores hordei tostii non exactè moliti partes referentia prava sunt, hisque pejora laminis similia. Alba verò, & tenuia valdè prava, atque his etiam deteriora furfuracea. Nubecula, quæ per urinas feruntur, albæ quidem bonæ, nigra verò malæ.

Quod autem *urina fulva* fuerit, & tenuis crudum esse morbum indicat: quod si diutius talis *urina* perseveret, periculum est, ne non possit aeger sufficere, quoad *urina* concoquatur: at exitiosiores sunt *urine fetidæ*, & aquosæ, nigra, & crassæ.

At hæc in viris, & mulieribus quidem *urina nigra*, in pueris aquosæ deteriora.

Quibus *urinae* tenues, & crudæ multo tempore redduntur, si reliqua signa salutaria sint, in iis abscessus ad loca infra septum transversum expectari debet.

Quin etiam pinguedines supra innatantes arancarum telas referentes damnandæ, colliquationem enim significant.

In Urinis autem quæ nubeculas habent, considerandum venit, an supernè, an infernè ferantur, & quosnam habeant colores, & quæ quidem deorsum feruntur cum diètis coloribus bonæ censendæ, & commendandæ, at, quæ sursum feruntur, malæ, & vituperandæ.

Neque verò tibi imponat vesica quoquomodo affecta, si huiusmodi *urinas* reddiderit, non enim totius corporis, sed ipsius per se indicium est.

Vides admirabili & Hippocratis propria brevitate comprehensum, quicquid de urinis sejunctim supra exposuimus, & quam aptè cohereant omnia cum fundamentis, quæ jecimus. Cum itaque hujus textus singula, vel explanata sint in textibus antecedentibus, quorum plerique sunt cum hujus partibus iidem, vel positis nostris principiis ultrò pateant, ulterius his non immoramur.

ibid. p. 43. 43.

At vesica tum duræ, tum dolentes grave prorsus, & exitiale periculum minantur, maxime autem exitiales, quæ cum febre assidua sunt, nam & ipsarum vesicarum dolores ad mortem inferendam satis sunt, neque alvi hoc tempore excernunt nisi durum quiddam, & coactum. Solvit autem purulenta micla *urina* album, & leve habens sedimentum. Quod si neque cum *urina* quicquam dolor remiserit, neque mollior

Rubra longi morbi, sed salutaris. Sedimenta, & nubecula quæ bona, quæ malæ.

Fulva, & tenuis durans periculosa, deterior fetida, aquosa, nigra, crassa.

Quæ in pueris & mulieribus.

Vesica duræ, & dolentes per urinam purulentam album, & leve sedimentum habentem solvuntur; sin minus mors accidit.

*lior vesica reddatur, febrisque assidua fuerit, laborantem intra primos morbi circuitus moriturum sperandum est.*

Patet totius præcepti explanatio ex superioribus.

*Ibid. p. 46. 32.*

Urinæ multum  
indicare creditur  
Hippocrati.

*Qui verò superfuturos ex morbo, & morituros, eosque quibus pluribus diebus, & paucioribus perseverabit morbus, recte prænoscere volet, in intelligentia comprehensam omnium signorum doctrinam æstimare debet, & eorum vires inter se collatas ratione expendere, velut scriptum est, cum in aliis, tum in urinis, & sputis, ubi una & pus & bilis tussi rejecta fuerint.*

## Ex primo Prorrheticorum, seu Prædictorum t. 4.

Decolor cum nigro suspenso phrænitidem portendit.

**I***n iis qui præter rationem perturbantur, & vigiliis torquentur, urinae decolores, nigris sublimamentis intersperse cum tenuibus sudoribus circa caput obortis phrænitidem prænunciant.*

Perturbationes, & vigiliæ cum urina decolore indicant partes crassas ad caput colligi, nigra sublimamenta easdem partes esse maximè sejunctas à liquidis &c. ut patet ex antecedentibus.

29.

*Si quibus urinae non recordantibus nec admonitis effluunt, perniciæ portenditur. Animadvertendum etiam est, num ab iis tales redduntur, quales fiunt ubi subsidentiam conturbaveris.*

Hic ipse textus in Coacis inter eos, quos superius exposuimus; illum proinde consule.

32.

*Surditas cum urinis prærubris non subsidentibus, & sublimamentis mentis emotionem ominantur &c.*

Prærubra non subsidens cum engoremate, &

Prærubra enim urina, & non subsidens cum engoremate magnam indicat copiam durarum partium humoribus ita affixarum, ut non coquantur,